



ՎԶՏԻ ԱՐՅՈՒՆՔՆԵՐ

Եթէ իմ դալուկ, խաւար աչքերում
Դեռ մնացել էք արցունքներ վըշտի,
Ա՛խ, եկէ՛ք, ցօղէ՛ք հողն ու աւազը
Արեւից այրուած այս անապատի,

Ուր ես միայնակ, մարդկանցից հեռու
Լուռ թափառում եմ ալեկոծ հոգով,
Ուր այրուած սրտիս հառաչն ահարկո՛ւ
Յոյսերիս նըման կը մարի շուտով:

Ա՛խ, ես ուզում եմ վերջին արցունքով
Այս անապատում մի սեւ քար ցօղել.
Աշխարհում թողնել ինչ որ ունէի
Անէծք, ցաւ ու վիշտ երկրին աւանդել...

Մարդկութեան ցաւով տանջում եմ եւ ես,
Բայց ես անգոր եմ, չեմ կարող կըռուել...
«Կեանք, ըարեա՛ւ մնաս, իմ ծանր խաչը
Չե՛մ կարող մինչեւ Գողգոթա տանել...

Պ. Մ Ո Մ Ո Ռ Ե Ա Ն Յ.

